



J.P. MEĐUNARODNI AERODROM "SARAJEVO" D.O.O.

Kurta Schorka 36, 71210 Sarajevo, Bosna i Hercegovina

Registrovano kod: Općinski sud Sarajevo, MBS 65-01-0419-11; JIB 4200068970001; Carinski broj 200068970001
RAČUN: 3387302205238447, UniCredit banka d.d. Mostar, BiH

Vrsta dok.	Izdavač
DOP	5 01

Strana:
1 od 1

Broj protokola:

05-1-25-1-900-25/15

JAVNO

DATUM: 30.07.2025. god.

PRIMALAC: TUV NORD ADRIATIC d.o.o. Zagreb

PREDMET: Obavijest o poništenju postupka – ISO certifikacija/recertifikacija/nadzorni audit

Poštovani,

Obavještavamo vas da je nakon okončane procedure prikupljanja ponuda za nabavku usluge: ISO certifikacija/recertifikacija/nadzorni audit, provedene metodom Otvoreni postupak, na prijedlog Komisije za provođenje postupka nabavke, Odlukom Uprave J.P. Međunarodni aerodrom "SARAJEVO" d.o.o. Sarajevo, koja vam se dostavlja u prilogu, postupak poništen.

S poštovanjem,

v.d. DIREKTOR-a



DOSTAVLJENO:

1. Ponuđaču
2. Upravi Društva
3. Sektoru za administrativnu podršku
4. a/a



INFORMACIJE	+387/ 33/ 289 100	+387/ 33/ 289 356	info@sarajevo-airport.ba
DIREKCIJA	+387/ 33/ 289 200	+387/ 33/ 289 201	direkcija@sarajevo-airport.ba
OPERATIVNI CENTAR	+387/ 33/ 289 120	+387/ 33/ 766 841	opc@sarajevo-airport.ba
WEB	www.sarajevo-airport.ba	/	/

**UPRAVA**

Strana: 1 od 2

Broj protokola: *05-1-25-1-900-24/25***JAVNO****Datum:** 29.07.2025. godine

Na osnovu člana 70., a u vezi sa članom 25. Pravilnika o javnoj nabavci roba, usluga i radova u J.P. Međunarodni aerodrom „SARAJEVO“ d.o.o. Sarajevo i člana 45. Statuta J.P. Međunarodni aerodrom „SARAJEVO“ d.o.o. Sarajevo, te Izvještaja i preporuke Komisije za provođenje postupka javne nabavke usluge: ISO certifikacija/recertifikacija/nadzorni audit, broj: 05-3-25-1-900-23/25 od 24.07.2025. god., Uprava J.P. Međunarodni aerodrom „SARAJEVO“ d.o.o. Sarajevo, na svojoj 46. sjednici, održanoj dana 29.07.2025. god., donosi

ODLUKU**I**

Poništava se postupak nabavke usluge: ISO certifikacija/recertifikacija/nadzorni audit, proveden metodom nabavke Otvoreni postupak, jer primljena ponuda nije prihvatljiva.

II

Naručilac će, nakon proteka rokova za reviziju, ponoviti postupak nabavke usluge iz tačke I ove Odluke, istim metodom.

III

Komisija za provođenje ponovljenog postupka nabavke biće imenovana naknadno, posebnim rješenjem.

Obrazloženje

Odlukom Uprave J.P. Međunarodni aerodrom „SARAJEVO“ d.o.o. Sarajevo (u daljem tekstu: Društvo), broj: 05-1-25-1-900-13/25 od 18.06.2025. godine, poništen je postupak nabavke usluge: ISO certifikacija/recertifikacija/nadzorni audit, te je naloženo njegovo ponavljanje, i to istim metodom. Rješenjem broj: 05-1-25-1-900-14/25 od 17.07.2025. godine, imenovana je Komisija za provođenje ovog postupka, a na Portalu javnih nabavki dana 30.06.2025. godine objavljeno je obavještenje o nabavci, broj: 246-1-2-422-3-138/25. Do ostavljenog roka za predaju ponuda, 21.07.2025. godine, na protokol Društva zaprimljena je ponuda ponuđača TUV NORD Adriatic d.o.o. Zagreb. Na javnom otvaranju ponuda, održanom isti dan u 12,30 sati, pročitani su naziv ponuđača i ponuđena cijena koja je iznosila 83.302,71 KM, bez PDV-a. Nakon javnog otvaranja, Komisija se sastala radi detaljne analize dostavljene ponude, kojom prilikom je utvrđeno sljedeće:

Tenderskom dokumentacijom je u tački 4.4.2. pod a) zahtijevano da ponuđač dostavi jednu potvrdu o dobrom izvršenju ugovora za poslove certifikacije/recertifikacije i/ili nadzornog audita za sve četiri tražene norme: ISO 9001, ISO 14001, ISO/IEC 27001 i ISO/IEC 27701, u ukupnoj vrijednosti ne manjoj od 25.000,00 KM bez PDV-a, realizovan u posljednje tri godine, sa jasno naznačenim elementima: naziv i sjedište ugovornih strana, predmet ugovora, vrijednost, vrijeme i mjesto izvršenja, te navodima o urednom izvršenju.

Ponuđač je dostavio dvije potvrde, a ne jednu, kako je izričito traženo.

Prva potvrda je izdata od strane MOOVE CONNECTED MOBILITY B.V., Nizozemska, i odnosi se na norme ISO 27001 i ISO 27701, ali se izdaje na ime, odnosno pravnom subjektu TÜV Nederland, a ne na ime ponuđača TUV NORD ADRIATIC d.o.o. Zagreb, koji učestvuje u ovom postupku. Također, u potvrdi nije navedena vrijednost ugovora, što je suprotno jasno definisanom zahtjevu iz tenderske dokumentacije. Prevod sudskog tumača je dostavljen, ali u formi obične kopije, a ne u originalu ili ovjerenoj kopiji.

Druga potvrda je izdata na ime TUV NORD Adriatic d.o.o. Zagreb, i u njoj se navodi da je izvršen posao certifikacije za ISO/IEC 27001, te nadzorni audit za ISO 9001 i ISO 14001, ali nije obuhvaćen standard ISO/IEC 27701, čime se ne ispunjava puni obim zahtjeva.

Dakle, ponuđač nije dostavio potvrdu o realizaciji jednog ugovora koji obuhvata sve četiri tražene norme, niti je sadržajno dostavljena dokumentacija u skladu sa postavljenim zahtjevima.

Dalje, tenderskom dokumentacijom u tački 4.4.2. pod b) je zahtijevano da ponuđač dostavi važeću akreditaciju izdate od strane priznate akreditacione organizacije (IAF ili ekvivalent), za sve četiri tražene norme: ISO 9001, ISO 14001, ISO/IEC 27001 i ISO/IEC 27701.

Ponuđač je dostavio:

-Akreditaciju na ime TUV NORD ADRIATIC d.o.o. Zagreb samo za norme ISO 9001 i ISO 14001 – što je u skladu sa tenderskom dokumentacijom;

-Za preostale norme ISO/IEC 27001 i ISO/IEC 27701, ponuđač je dostavio akreditacije izdate na ime drugih pravnih subjekata unutar TÜV grupacije – TUV NORD GmbH Essen i TUV Nederland, ali ne i na ime ponuđača u ovom postupku.

Imajući u vidu da je zahtjev tenderske dokumentacije bio da akreditacija bude izdata na ponuđača, a ne na povezane pravne subjekte, Komisija konstatuje da ni ovaj uslov nije ispunjen.

Imajući u vidu da su ponuđači, u skladu sa članom 57. stav (1) Zakona o javnim nabavkama, dužni pridržavati se svih zahtjeva i uslova iz tenderske dokumentacije, Komisija je ponudu, u skladu sa članom 68. stav (4) Zakona o javnim nabavkama, ocijenila nepravilnom, odnosno neprihvatljivom, pa je Upravi Društva predložila da se predmetni postupak nabavke poništi, te ponovi istim metodom.

Uprava Društva je na svojoj 46. sjednici, održanoj dana 29.07.2025. god., razmotrila Izvještaj i preporuku Komisije, te je, nakon uvida u provedeni postupak, utvrdivši da su ispunjeni uslovi za poništenje postupka iz člana 69. stav (2) tačka d) Zakona o javnim nabavkama, istu i prihvatila, pa je, na osnovu člana 70. Zakona o javnim nabavkama, odnosno člana 25. Pravilnika o javnoj nabavci roba, usluga i radova u Društva, donijela Odluku kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi. Žalba se podnosi putem ugovornog organa - Društva, u pisanoj formi, direktno, elektronskim putem ili preporučenom poštanskom pošiljkom, u 3 (tri) primjerka, i to u roku od 10 dana od dana prijema Odluke.

v.d. DIREKTOR-a

Sanin Ramezić



Prilog: Zapisnik o pregledu i ocjeni ponuda;

DOSTAVLJENO:

1. Upravi Društva (orig.)
2. Ponuđačima
3. Sektoru za administrativnu podršku
 - Služba nabavke (orig)
 - Služba za pravne poslove i protokol
4. Sektoru razvoja, tehnike i standardizacije
5. a/a